

Universitätsbibliothek Paderborn

**R. P. Lucae Pinelli Societatis Jesu Theologi, De
Perfectione Religiosa, Et Obligatione, Qvam Qvisqve
Religiosus ad eam consequendam habet. Libri Quatvor**

Pinelli, Luca

Mogvntiae, 1604

XXII. De excellentia & dignitate obedientiæ religiosæ.

[urn:nbn:de:hbz:466:1-46699](#)

soluere? Quare, quantum mihi displicet in-
obedientia, quæ religionē labefactat, tan-
tum mihi placet obedientia, quæ eam or-
nat, custodit & adauget.

*De excellentia & dignitate obedi-
entiæ religiose.*

CAPUT XXII.

Fili, perpendisti ne aliquando illud S.
Proh. 21. Scripturæ meæ dictum, *Homo obediens
loquetur victorias?* Scias, nullam vel maiore,
vel admirabiliorem in hoc mundo obtineri
posse victoriam, victoria sui. Hostes vinci
possunt fraudibus & stratagematis, & vt vin-
cantur vi & robore armorū, vincuntur tamē
qui sunt inferiores, aut certè in ipso certa-
mine inferiores facti sunt. At in victoria sui,
non arte vel fraudibus vincitur, sed virtute;
& vincitur æqualis, quique semper manet
æqualis. In aliis victoriis, quo victor subli-
mius euehitur, hoc vicitus magis deprimi-
tur & humiliatur. Sed in victoria sui, vicitus
pariter cum viatore extollitur. In aliis cer-
taminibus vincuntur inimici, & interueni-
ente quidem odio, ira, indignatione. at qui
vincit seipsum, vincit quendam, cui summa
amicitia & amore est deuinctus. Et hæc dif-
ficultas

ficitas facit victoriam gloriosum. Eiusmodi est obedientis victoria, quia dum sponte se subiicit alieno imperio, vincit seipsum. Quae victoria tanto illustrior est, quanto difficultiori certamine, nempe contra naturam obtinetur. In hac victoria multæ aliæ apparent victoriæ, Religiosus siquidem obedientis facit, ut sensus, appetitus, & passiones rationi obsequantur: deinde ut ratio ipsa cum iudicio proprio subiiciatur arbitrio, iudicioque Superioris. Atque hoc etiam non exigua est victoria, sceptrum triumphice dere alteri. Qui in prælio terga vertit, excedit victoria in obedientia ille terga vertit, qui se alteri submittere tergiuersatur.

AD HÆC obedientia tam fortis est belatrix, ut etiam pro aliis virtutibus decertet, contra eos omnes qui aduersantur statui, perfectionique religiosæ. Si concupiscentia bellum moueat castitati, prodit obedientia, efficitque, ut voluntas non consentiat, sed obsequatur voto de casta vita agenda semel emiso. Sic cupiditas rerum temporalium insultet paupertati religiosæ, obedientia contra insurgit, persuaderisque, ut promissa de nulla proprietate usurpanda præstet. Quando demon aliquos incitat ad transgressionem legum religionis, Obedientia seu fides religionis

custos strenuè refragatur. Quoties perturbationes animi rationem oppugnant, obedientia compescit earum vim, facitque ut singulæ animi facultates pareant, cui debent. Ex his omnibus maximis victoriis facile coniici potest, quanta sit efficacitas & gloria obedientiæ, & quod religiosus quam diu secum habuerit tam generosam propugnaticem prosperè sit depugnaturus, multisque narratus viatorias. Belli dux si velit habere bonos milites, & ex hoste referre viatoriam, rationem habeat eorum in primis qui fortiter manum cum hoste conferant.

QUANDO dæmon per inobedientię crimen Adamum impulit in lapsum magni facere cœpit inobedientiam, & vexillo, quod in victoriæ signum erexit, inscribere hæc elegia. *IN O B E D I E N T I A filia superbia,
Mater mortis, Ruina mundi, & Pestis religione.* Et his multo tempore triumphauit. Verum & ego erexi vexillum crucis, in qua per obedientiam moriens, expugnaui mortem, & damna inobedientia Adami humano generi illata restitui. Itaque elegia vexilli mei sunt hæc. *O B E D I E N T I A humilitatis filia, Vita spiritualis mater, Mundireparatrix, & Religionis conservatrix.* Ex his elegiis, que verissi-

verissima sunt, potes cognoscere obedientiæ præstantiam. Nam cum sit humilitatis filia, cuius proprium est humiles exaltare, non potest non eiusdem proprietatis esse consors. ut liquet in me, cui felicissimam de omnibus inimicis meis victoriā, cum glorioſiſimo triumpho coniunctam conciliauit. Fili, in religione nemo persistere potest, niſi pugnet. Qui non pugnat sub obedientiæ vexillo, necessariò pugnare debet sub inobedientia, vexillo Satanae.

DYBIVM non est, voluntatis excellentiam, quæ mihi à religioso per obedientię votum offertur & sacrificatur, magnam vim adiungere sacrificio, cum voluntas non modo sit nobilissima hominis pars, verū etiam omnium facultatum animi regina. Huius autem sacrificij dignitas & valor hoc amplius augescit, quanto pluris à me æstimatur. Quomodo autem non possim non maximi æstimare obedientiam religiosam, in qua religiosus mihi offert libertatem suam tanti in mundo toto æstimatam? Non est donum hoc eiusmodi, ut in precio haberi non debeat. Si enim magni facio Paupertatem & Castitatem, pluris certè facere tenor obedientiam. Paupertas siquidem mihi offert bona tantum externa & tempora-

P. 5 ralia.

ralia. Castitas amore mei duntakat corpus
destituit voluptatibus corporeis, quæ eius
bona sunt. At obedientia interna animi bo-
na mihi offert, quæ quantum præstant cor-
poris fortunæq; bonis, tanto oblatio eorū
excellentior est, mihiq; gratior.

NEGARI non potest fuisse præstantissi-
mam obedientiam Abrahæ, quando ad pri-
mam vocem meam statuit vnicum, aman-
tissimumq; suum filium Isaac mihi immo-
lare Nec minor fuist obedientia Isaac, qui se
obediret mihi in sui patris persona, passus
est se vinciri, & magno animi robore in a-
dolescentiæ flore caput à ceruice refecan-
dum obtulit Cæterùm ego non minoris
facio obedientiam boni religiosi, quæ obe-
dientiæ amborum perfectionem in se com-
prehendit. Abrahæ quidem, quia religiosus
non inferiore amore prosequitur se ipsum,
quam Abraham suum filium. Filij verò,
quia religiosus non minori fortitudine ani-
mi scipsum voto obedientiæ ligat, quam
Isaac passus est se ligari à parente. Nec mi-
nori promptitudine suum velle nolleque
offert refecandū gladio voti spirituali, quā
Isaac collū gladio materiali. Ex discrimine
deinde quod intercedit inter Abrahæ & re-
ligiosi obedientiam apparethanc illi ante-
feren.

ferendam. In illa enim Abrahæ fuit mandatum, in hoc consiliū, illa tantum fuit in voluntate, hæc in voluntate & facto, actus illicius durauit ad breue tēpus, huius toto vitæ tempore. Fili, vis superare obedientiam Abrahæ? da operam vt in omnibus promptè obedias, quia Deo non minus placet obediētia in paruis rebus, quàm in magnis.

PRÆTEREA certum est opus nullum, etiamsi iudicio huius seculi reputetur honorificum, tamen nullius apud me esse precij, si non sit conforme diuinæ voluntati. E~~o~~get aliquis omnia bona sua in pauores, patiatur persecutioes & opprobria, occubat pro fide. si hæc & similia opera non fiant secundum meum beneplacitum mihi grata non sunt, nec meritoria. Obedientiæ autem virtus, sicut & charitatis sororis eius facit, vt religiosus opera sua voluntati diuinæ conformet, ac consequenter reddit & meritoria. Adde tunc creaturam ratione præditam dici perfectam, quando voluntati diuinæ acquiescit, nec aliud vult, quàm suus creator velit. Qua autem alia virtute religiosus efficitur promptus ad parendum voluntati diuinæ, quàm obedientia? Quis impellit religiosum, vt nec minus, nec amplius velit, quàm creator suus, in quo

com-

consistit vera perfectio, nisi obedientia? O, si religiosi omnes tanto amoris affectu completerentur obedientiam, quantum eius meretur nobilitas, in maiori precio existimationeque foret, in religionibus quam nunc est, & perfectorum religiosorum magna afflueret copia.

*De utilitate, quam obedientia
affert religioso.*

CAPUT XXIII.

DO MINE, quamuis multas, & eximias utilitates religiosus hauriat ex obedientia, tamen mihi videtur multò consultius fore, si tu ipse citra hominum Superiorum operam omnia imperares & ordinares: prop̄tiissimè enim tibi obsecundaremus, nullus esset locus obmurmurationibus, nec tu ullam occasionē conquerēdi præberes, breuiter, gubernatio tua esset suauissima. Quod si hoc non videatur suisse conuenies, opera precium saltem facturus es̄ses, si nos regeres per angelum, quem, uti maiori esset fide & auctoritate apud nos, ita maiori eum reuerentia, quam homines, coleremus. FILIUS totus ille sermo tuus ex proprij amoris fonte profluxit. Si religiosi essent spiritus, con-

gruens